



RESOLUCION REU/323/2024, de 29 de hereuèr, pera quau se daurís un termini extraordinari de presentacion de sollicituds en encastre deth procediment des bèques Equitat e entara obtencion dera acreditacion deth tram de renda familhau, entath cors 2023-2024 (ref. BDNS 708759).

Era Resolucion REU/2668/2023, de 6 de junhsèga (DOGC num. 8963 - 21.7.2023) establís, entath cors academic 2023-2024, eth procediment des bèques Equitat e entara obtencion dera acreditacion deth tram de renda familhau (ref. BDNS 708759).

Era basa 8 der apartat I der Annexe dera Resolucion REU/2668/2023, de 6 de junhsèga, establís literaument:

"Eth termini de presentacion de sollicituds s'inicie eth 14 de seteme de 2023 e finalize eth 31 d'octobre de 2023 tás 14:00 ores (ora locau de Barcelona).

Se pòden establir terminis extraordinaris de presentacion de sollicituds, damb era publicacion prealala en DOGC dera resolucion corresponenta, entà poder eméter es acreditacions deth tram de renda familhau o establir eth percentatge d'amendment deth prètz des credits ordinaris academics matriculadi peth prumèr còp en cors 2023-2024."

Er article 11 des Estatuts der AGAUR, aprovadi peth Govèrn dera Generalitat de Catalonha mejançant eth Decrèt 168/2002, d'11 de junh, dispòse que correspon ath Conselh de Direccion d'aprovar es convocacions de bèques e subvencions, atau coma resolver-les. Aguestes facultats s'an delegat, en data 28 d'abriu de 2022, en president o ena presidenta dera Comission Executiva d'Ajudes Universitàries (CEAU).

Atengudes es anteriores consideracions,

RESÒLVI:

Article 1

Daurir un termini extraordinari de presentacion de sollicituds entàs estudiants que formalizzen era prumèra matricula deth cors 2023-2024 damb posterioritat ath 31 d'octubre de 2023 d'un ensenhamant que condusís ara obtencion d'un títol universitari oficial de grad o mastèr abilitant, impartit en un centre pròpri d'ua des universitats següentes:

- Universitat de Barcelona
- Universitat Autònoma de Barcelona
- Universitat Politècnica de Catalunya





Agència
de Gestió
d'Ajuts
Universitaris
i de Recerca

- Universitat de Llèida
- Universitat Rovira i Virgili

E entàs centres adscriti següents:

- Institut de Seguretat Pública de Catalunya (ISPC), centre adscrit ara Universitat de Barcelona.
- Institut Nacionau d'Educacion Fisica (INEFC), centre adscrit ara Universitat de Llèida.

Article 2

Daurir un termini extraordinari de presentacion de sollicituds entàs estudiants que formalizzen era prumèra matricula deth cors 2023-2024 damb posterioritat ath 31 d'octubre de 2023 d'un ensenhamant que condusisque ara obtencion d'un títol universitari oficiau de grad o mastèr abilitant ena Universitat Oberta de Catalunya.

Article 3

Eth termini de presentacion de sollicituds demorarà daurit dempús de londeman dera publicacion d'aguesta resolucion en Diari Oficiau dera Generalitat de Catalunya e enquiat 15 de març de 2024 tás 14:00:00 (ora locau de Barcelona).

Disposicion finau

Contra aguesta resolucion, qu'agote era via administrativa, se pòt interpausar recors potestatiu de reposicion deuant dera presidenta dera Comission Executiva d'Ajudes Universitàries en termini d'un mes dempús deth dia dera sua publicacion en Diari Oficiau dera Generalitat de Catalunya (DOGC), o plan dirèctament un recors contencios administratiu deuant deth jutyat contencios administratiu de Barcelona correspondent en termini de dus mesi dempús dera sua publicacion en DOGC, cossent damb çò que preven es articles 123 e 124 dera Lei 39/2015, de 1 d'octubre, deth procediment administratiu comun des administracions publiques, e es articles 8, 14 e 46 dera Lei 29/1998, de 13 de junhsèga, reguladora dera jurisdiccion contenciosa administrativa.

Barcelona, 29 de hereuèr de 2024

P. S.: (Resolucion REU/1421/2022, de 10.5.2022, DOGC num. 8668, de 16.5.2022)

M. Victòria Girona Brumós
Presidenta dera Comission Executiva
d'Ajudes Universitàries



Generalitat de Catalunya
Departament de Recerca
i Universitats